

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017414 22 V

Novi Travnik, 22.12.2022. godine

Kantonalni sud u Novom Travniku, sudija Nijaz Krnjić, u vanparničnom predmetu po prijedlogu predlagatelja E.A. iz T., ulica .... stan broj ..., zastupan po punomoćniku Bruni Božić odvjetniku iz Travnika, ulica Fatmić broj: 3., protiv protupredlagateljice M. Al. rođ. Š., nastanjena na adresi ... K., radi priznanja strane sudske odluke o razvodu braka, 22.12.2022. godine donio je slijedeće:

RJEŠENJE

Priznaje se Uvjerenje o razvodu braka Višeg suda Canada Provincija Quebec Dinstrikt Laval broj: 540-12-017050-113 od 31. januara 2012. godine, kojom se potvrđuje da je brak vanparničnih stranaka efektivno razveden sudski od 20. novembra 2011. godine sklopljen dana 24.11.1979. godine pred matičnim uredom u Travniku, Bosna i Hercegovina, između predlagatelja E. A., rođen ... godine u B., BiH i protupredlagateljice M. A., rođena ... godine u mjestu S., Općina B., Bi H i upisan u matičnoj knjizi vjenčanih koja se vodi za mjesto T. pod rednim brojem... za 1979. godinu.

Troškove postupka snosi predlagatelj.

Obrazloženje

Dana 16.12.2022. godine zaprimljen je pismeni prijedlog punomoćnika predlagatelja Brune Božić odvjetnika iz Travnika za priznanje strane odluke o razvodu braka - Uvjerenje o razvodu braka Višeg suda Canada Provincija Quebec Dinstrikt Laval broj: 540-12-017050-113 od 31. januara 2012. godine, kojom se potvrđuje da je brak vanparničnih stranaka efektivno razveden sudski od 20. novembra 2011. godine. Uz prijedlog ovom sudu dostavljen je original strana sudska odluku čije se priznanje traži, prijevod odluke od ovlaštenog sudskog tumača, izvod iz matične knjige vjenčanih izdat od Matičnog ureda Općine Travnik broj: 03-12-201-3327/22 od 15.11.2022. godine i punomoć za zastupanje.

Ocjenjujući osnovanost prijedloga za priznanje strane sudske odluke, ovaj sud je utvrdio da se radi o stranoj odluci – uvjerenju o razvodu braka koji je zaključen dana 24.11.1979. godine pred matičnim uredom u Travniku, Bosna i Hercegovina između državljanina Bosne i Hercegovine, da je brak vanparničnih stranaka efektivno razveden sudski od 20. novembra 2011. godine da su u postupku razvoda braka učestvovala obje vanparnične stranke, da odluka nije protivna odredbama Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak.

Budući da je predlagatelj E. A. rođen u B. BiH, da je brak između vanparničnih stranaka zaključen dana 24.11.1979. godine pred matičnim uredom u T., BiH i upisan u matičnoj knjizi vjenčanih koja se vodi za mjesto T. pod rednim brojem... za 1979. godinu, predlagatelj ima pravni interes da se nastala statusna promjena upiše kod nadležnog matičnog ureda u Bosni i Hercegovini slijedom čega je ovaj sud zaključio da je prijedlog utemeljen.

Imajući u vidu sve naprijed navedeno ovaj sud je stajališta kako su ispunjeni uvjeti za udovoljenje po prijedlogu za priznanje strane sudske odluke i odlučio je kao u izreci ovog rješenja u skladu sa odredbama članova od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima, koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku i člankom 28. stavak 3. točka e) Zakona o sudovima u Federaciji Bosne i Hercegovine.

Troškove postupka snosi predlagatelj o čemu će sud donijeti posebno rješenje.

Na osnovu navedenog odlučeno je kao u izreci ovog rješenja.

Sudija  
Nijaz Krnjić